

Probeklausur 2 für Caesar-Kurse

1. Eodem die ab exploratoribus certior factus Caesar Helvetios sub monte consedisse milia passuum ab ipsius castris octo misit milites, qui cognoscerent, qualis esset natura montis et qualis in circuitu ascensus. renuntiatum est facilem esse.
2. De tertia vigilia T. Labienum legatum cum duabus legionibus et iis ducibus, qui iter cognoverant, summum iugum montis ascendere iubet.
3. Quid sui consilii sit, ostendit.
4. Ipse de quarta vigilia eodem itinere, quo hostes ierant, ad eos contendit equitatumque omnem ante se mittit.
5. P. Considius, qui rei militaris peritissimus habebatur, cum exploratoribus praemittitur.
6. Prima luce, cum summus mons a Labieno teneretur, ipse ab hostium castris non longius mille et quingentis passibus abesset neque, ut postea ex captivis comperit, aut ipsius adventus aut Labieni cognitus esset, Considius equo admisso ad eum accurrit, dicit montem, quem a Labieno occupari voluerit, ab hostibus teneri: id se a Gallicis armis atque insignibus cognovisse.
7. Caesar suas copias in proximum collem subducit, aciem instruit.
8. Labienus, ut erat ei imperatum a Caesare, ne proelium committeret, nisi ipsius copiae prope hostium castra visae essent, monte occupato nostros exspectabat proelioque abstinebat.